

文淵閣

影印

四庫全書

影印

文淵閣四庫全書

第一四三〇冊

北京出版集團公司  
北京出版社

# 本册目次

## 御定全唐詩（八）

清康熙四十二年御定……一

欽定四庫全書

集部  
御定全唐詩卷六百八十八

欽定四庫全書

御定全唐詩卷六百八十八

孫偓

孫偓字龍光武邑人乾寧中宰相封樂安公詩三首

寄杜先生詩

蜀國信難遇楚鄉心更愁我行同范蠡師舉效浮丘他日相逢處多應在十洲

贈南嶽僧全此

末句缺一字

欽定四庫全書

御定全唐詩卷六百八十八

窠居過後更何人傳得如來法印真昨日祝融峰下見草衣便是雪山

荅門生王渙李德鄰趙光胤王拯長句

一作裴贄詩

謬持文柄得時賢粉署清華次第遷昔歲策名皆健筆今朝稱職並同年各懷器業寧推讓俱上青霄肯後先何事老夫猶賦詠欲將酬和永留傳

句

好是步虛明月夜瑞爐蜚下醺壇前

見玉堂閒話

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻漸

謄錄監生臣張濤

陸展

陸展字祥文吳郡嘉興人家於陝昭宗朝拜相遷洛後  
貶濮州司戶死白馬驛集七卷今存詩一首

禁林聞曉鶯

曙色分層漢鶯聲繞上林報花開瑞錦催柳綻黃金斷  
續隨風遠間闕送月沈語當溫樹近飛覺禁園深繡戶  
驚殘夢瑤池轉好音願將棲息意從此沃天心

句

欽定四庫全書

御定全唐詩  
卷六百八十八

今秋已約天台月

紀事

薛昭緯

薛昭緯河東人乾寧中為禮部侍郎天復中累貶磧州

司馬詩二首

華州榜寄諸門生

時君過聽委平衡粉署華燈到曉明開卷固難窺浩汗  
執衡空欲慕公平機雲筆舌臨文健沈宋篇章發詠清

自笑觀光輝

闕下

謝銀工

一櫟斲根數十級盤中猶更有紅鱗早知文字多辛苦  
悔不當初學冶銀

陸翱

陸翱義興人登第不受辟而卒宰相希聲之父詩二首

閒居即事

衰柳迷隋苑衡門啼暮鴉茅厨煙不動書牖日空斜悔  
下東山石貧於南阮家沈憂損神慮萱草自開花

欽定四庫全書

御定全唐詩  
卷六百八十八

趙氏北樓

慇懃趙公子良夜竟相留朗月生東海仙娥在北樓酒  
闌珠露滴歌迴石城秋本為愁人設愁人到曉愁

狄歸昌

狄歸昌官侍郎光化中歷尚書左丞詩一首

題馬嵬驛

一作羅隱詩

馬嵬煙柳正依依重重見鑾輿幸蜀歸泉下阿蠻應有語

這回休更怨楊妃

裴廷裕

裴廷裕字膺餘昭宗時翰林學士左散騎常侍後貶湖南卒詩二首

蜀中登第答李搏六韻

何勞問我成都事亦報君知便納降蜀柳籠堤煙矗矗  
海棠當戶燕窠窠富春不並窮師子濯錦全勝早曲江  
高捲絳紗楊氏宅

時主文寓揚子巷故有此句

半垂紅袖薛濤牕

花泛鷓鴣詩千首靜衆

寺名

尋梅酒百缸若說絃歌與風景

欽定四庫全書

御定全唐詩

卷六百八十八

主人兼是碧油幢

偶題

微雨微風寒食節半開半合木蘭花看花倚柱終朝立  
却似淒淒不在家

李沈

李沈字東濟江夏人宰相礪之子也與礪同為王行瑜  
所殺行瑜敗贈禮部員外郎詩六首

閒宵望月

卷箔舒紅茵當軒翫明月懿哉深夜中靜聽歌初發苔  
含殿華濕竹影蟾光潔轉扇來清風援琴飛白雪行愁  
景候變坐恐流芳歇桂影有餘光蘭燈任將滅

醜詞

犬咬天關閉彩童呼仙吏一封紅篆書為秦塵寰事八  
極鼇柱傾四溟龍鬣沸長庚冷有芒文曲澹無氣烏輪  
不再中黃沙瘞腥鬼請帝命真官臨雲啓金匱方與清  
華宮重正紫極位曠古雨露恩安得惜沾施生人血欲  
盡攫搶無飽意

欽定四庫全書

御定全唐詩

卷六百八十八

巫山高

扶天心開地脉浮動凌霄拂藍碧襄王端眸望不極似  
睹瑤姬長歎息巫妝不治獨西望暗泣紅蕉抱雲帳君  
王妬妾夢荆宮虛把金泥印仙掌江濤迅激如相助十  
二穉龍怒行雨崑崙謾有通天路九峰正在天低處

夢仙謠

海宮慶浪收殘月挈壺掌事傳更歇銀蟾半墜恨流咽

六鼇披月撼蓬闕九氣真翁騎白犀臨池靜聽雌蛟啼  
桂花浥露曙香冷八窓玉朗驚晨雞裁紗翦羅貼丹鳳  
膩霞遠閉瑤山夢露乾欲醉芙蓉塘迴首驅雲朝正陽

秋霖歌

西方龍兒口猶乳初解驅雲學行雨縱恣羣陰駕老虬  
勺水蹄涔盡奔注葉破苔黃未休滴膩光透長狂莎色  
恨無長劍一千仞劃斷頑雲看晴碧

方響歌

欽定四庫全書

御定全唐詩  
卷六百八十八

六

敲金扣石聲相凌遙空冷靜天正澄寶餅下井轆轤急  
小娃弄索傷清冰穿絲透管音未歇迴風繞指驚泉咽  
季倫怒擊珊瑚摧靈芸整鬢步搖折十六葉中侵素光  
寒玲震月雜珮璫雲和不覺罷餘怨蓮峰一夜啼琴姜  
急節寫商商恨促秦愁越調逡巡足夢入仙樓戛殘曲  
飛霜稜稜上秋玉

裴贄

裴贄字敬臣及進士第累擢右補闕御史中丞刑部尚

書昭宗時拜中書侍郎兼本官同中書門下平章事帝  
幸鳳翔為大明宮留守罷俄進尚書左僕射以司空致  
仕為朱全忠所害詩一首

荅王渙

一作孫  
僦詩

謬持文柄得時賢粉署清華次第遷昔歲策名皆健筆  
今朝稱職並同年各懷器業寧推讓俱上青霄肯後先  
何事老夫猶賦詠欲將酬和水留傳

盧汝弼

才調集  
作盧弼

欽定四庫全書

御定全唐詩  
卷六百八十八

七

盧汝弼登進士第以祠部員外郎知制誥從昭宗遷洛  
後依李克用克用表為節度副使詩八首

薄命妾

君恩已斷盡成空追想嬌歡恨莫窮長為舜花光曉日  
誰知團扇送秋風黃金買賦心徒切清路飛塵信莫通  
閒凭玉欄思舊事幾回春暮泣殘紅

秋夕寓居精舍書事

葉滿苔階杵滿城此中多恨恨難平疎簷看織蠅蛸網

暗隙愁聽蟋蟀聲醉卧欲拋羈客思夢歸偏動故鄉情  
覺來獨步長廊下半夜西風吹月明

聞雁

秋風蕭瑟靜埃氛邊雁迎風響咽羣瀚海應嫌霜下早  
湘川偏愛草初薰蘆洲宿處依沙岸榆塞飛時度晚雲  
何處最添羈客恨竹窓殘月酒醒聞

鴛鴦

雙浮雙浴傍苔磯菱浦蘭皋繡帳幃長羨鴛鴦能潔白  
不隨鵝鵝鬪毛衣霞侵綠渚香衾暖樓倚青雲殿瓦飛  
應笑隨陽沙漠雁洞庭煙暖又思歸

和李秀才邊庭四時怨

春風昨夜到榆關故國煙花想已殘少婦不知歸不得  
朝朝應上望夫山

盧龍塞外草初肥雁乳平蕪曉不飛鄉國近來音信斷  
至今猶自著寒衣

八月霜飛柳半黃蓬根吹斷雁南翔隴頭流水闌山月

泣上龍堆望故鄉

朔風吹雪透刀瘢飲馬長城窟更寒半夜火來知有敵  
一時齊保賀蘭山

欽定四庫全書

御定全唐詩  
卷六百八十八

九

御定全唐詩卷六百八十八

欽定四庫全書

御定全唐詩卷六百八十九

陸希聲

陸希聲吳人博學善屬文尤工書初隱義興後召為右拾遺累遷歙州刺史昭宗聞其名徵拜給事中尋除戶部侍郎同中書門下平章事在位無所輕重以太子少師罷卒贈尚書左僕射諡曰文有頤山詩一卷今存二十二首

欽定四庫全書

御定全唐詩

卷六百八十九

山居 一作房 即事二首

君山蒼翠接青冥東走洮湖上洞庭茅屋向陽梳白髮竹窻深夜誦丹經湧泉回洑魚龍氣怪石驚騰鳥獸形為問前時金馬客此焉還作少微星

不是幽棲矯性靈從來無意在羶腥滿川風物供高枕四合雲山借畫屏五鹿歸來驚嶽嶽孤鴻飛去入冥冥君陽遁叟何為樂一炷清香兩卷經

陽羨雜詠十九首

苦竹逕

山前無數碧琅玕一逕清森五月寒世上何人憐苦節應須細問子猷看

梅花塢

凍蘂凝香色豔新小山深塢伴幽人知君有意凌寒色羞共千花一樣春

石兜臺

大河波浪激潼關青兕胡為伏此山遙想楚王雲夢澤

欽定四庫全書

御定全唐詩

卷六百八十九

蛻旌羽蓋定空還

講易臺

年逾知命志尤堅獨向青山更絕編天下有山山有水養蒙肥遯正脩然

觀魚亭

惠施徒自學多方謾說觀魚理未長不得莊生濠上旨江湖何以見相忘

綠雲亭

六月清涼綠樹陰小亭高卧滌煩襟義皇向上何人到  
永日時時弄素琴

清輝堂

野人心地本無機為愛茅簷倚翠微盡日尊前誰是客  
秋山含水有清輝

觀妙庵

妙理難觀旨甚深欲知無欲是無心茅庵不異人間世  
河上真人自可尋

欽定四庫全書

御定全唐詩

卷六百八十九

西陽亭

隔林殘日照孤亭玄宴先生酒未醒入夜莫愁迷下路  
昔人猶在逐流螢

弄雲亭

自知無業致吾君只向春一作空山弄白雲已共此山私

斷當不須轉輒重移文

伏龜堂

盤崖蹙縮似靈龜鬼谷先生隱遁時不獨卷懷經世志

白雲流水是心期

桃花谷

君陽山下足春風滿谷仙桃照水紅何必武陵源上去  
澗邊好過落花中

含桃園

小圃初晴風露光含桃花發滿山香看花對酒心無事  
倍一作但覺春來白日長

茗坡

欽定四庫全書

御定全唐詩

卷六百八十九

二月山家穀雨天半坡芳茗露華鮮春醒酒病兼消渴  
惜取新芽旋摘煎

松嶺

嶺上青松手自栽已能蒼翠映莓苔歲寒本是君家事  
好送清風月下來

桃溪

芳草霏霏遍地齊桃花脉脉自成谿也知百舌多言語  
任向春風盡意啼

李徑

一徑穠芳萬藥攢風吹雨打未摧殘憐君盡向高枝發  
應為行人要整冠

鴻盤

落落飛鴻漸始盤青雲起處剝須看如今天路多繒繳  
縱使銜蘆去也難

偃月嶺

山嶺依稀偃月形數層倚石疊空青幾迴雪夜寒光積

欽定四庫全書

御定全唐詩  
卷六百八十九

五

直似金光照戶庭

寄誓光上人

筆下龍蛇似有神天池雷雨變逡巡寄言昔日不龜手

應念江頭泝泝人

李昭象

李昭象字化文父方玄為池州刺史因家焉懿宗末年  
以文干相國路巖巖問其年曰十有七矣巖年尚少尤  
器重之薦於朝將召試會巖貶遂還秋浦移居九華與

張喬顧雲輩為方外友詩八首

喜杜荀鶴及第

深巖貧復病榜到見君名貧病渾如失山川頓覺清一  
春新酒興四海舊詩聲日使能吟者西來步步輕

赴舉出山留寄山居鄭叅軍

還如費冠卿向此振高名肯羨魚鬚美長誇鶴氅輕理  
琴寒指倦試藥黑髭生時泰難雲卧隨看急詔行

題顧正字谿居

欽定四庫全書

御定全唐詩  
卷六百八十九

六

高敞吟軒近釣灣塵中來似出人間若教明月休生桂  
應得危時共掩關春酒夜茶難放客短籬疎竹不遮山  
莫誇恬淡勝榮祿雁引行高未許閒

寄獻山中顧公員外

抽却朝簪著釣蓑近來聲迹轉巍峩祥麟避網雖山野  
丹鳳銜書即薜蘿乍隱文章情更逸久閑經濟術翻多  
深慚未副吹噓力竟困風埃爭奈何

山中寄崔諫議

半生援鳥共山居吟月吟風兩鬢疎新句未嘗忘教化  
上才爭忍不吹噓全家欲去干戈後大國中興禮樂初  
從此升騰休說命祇希公道數封書

學仙詞寄顧雲

記得初傳九轉方碧雲峰下祝虛皇丹砂未熟心徒切  
白日難留鬢欲蒼無路洞天尋穆滿有時人世美劉郎  
仙人恩重何由報焚盡星壇午夜香

寄尉遲侍御一作郎

欽定四庫全書

御定全唐詩  
卷六百八十九

七

我眠青嶂弄澄潭君戴貂蟬白玉簪應向謝公樓上望  
九華山色在西南

招西洞道者

危峰抹黛夾晴川樹簇紅英草碧煙樵客雲僧兩無事  
此中堪去覓靈仙

句

投文得仕而今少佩印還家古所榮

送周繇之建德  
唐詩紀事

御定全唐詩卷六百八十九

欽定四庫全書

御定全唐詩卷六百九十

王駕

王駕字大用河中大順元年登進士第任至禮部員  
外郎自號守素先生集六卷今存詩六首

夏雨

非惟消旱暑且喜救生民天地如蒸濕園林却似春洗  
風清枕簟換夜失埃塵又作豐年望田夫笑向人

欽定四庫全書

御定全唐詩  
卷六百九十

古意

夫戍蕭關妾在吳西風吹妾妾憂夫一行書信千行淚  
寒到君邊衣到無

社日一作張  
演詩

鵝湖山下稻梁肥豚柵雞樓一作半一作對掩扉桑柘影

斜春社散家家扶得醉人歸

雨晴一作  
晴景

雨前初見花間藥雨後兼無葉裏花蛺蝶飛來過牆去

却疑春色在鄰家

亂後曲江

一作羊士諤詩

憶昔爭一作曾

遊曲水濱未春長有探春人遊春人盡空

池在直至春深不似春

過故友居

鄰笛寒吹日落初舊居今已別人居亂來兒姪皆分散

惆悵僧房認得書

王渙

欽定四庫全書

御定全唐詩卷六百九十

王渙字季吉大順二年登第官考功員外郎詩十四首

上裴侍郎

青衿七十榜三年建禮含香次第遷珠彩下連星錯落

桂花曾對月嬋娟玉經磨琢多成器劍拔沈埋更倚天

應念銜恩最深者春來為壽拜尊前

悼亡

春來得病夏來加深掩妝窓卧碧紗為怯暗藏秦女扇

怕驚愁度阿香車腰肢暗想風欺柳粉態難忘露洗花

今日青門葵君處亂蟬衰草夕陽斜

惆悵詩十二首

八蠶薄絮鴛鴦綺半夜佳期並枕眠鐘動紅娘喚歸去

對人勻淚拾金鈿

李夫人病已經秋漢武看來不舉頭得所一作修嫺濃華銷

歇盡楚魂湘血一生休

謝家池館花籠月蕭寺房廊竹颭風夜半酒醒憑檻立

所思多在別離中

欽定四庫全書

御定全唐詩卷六百九十

隋師戰艦欲亡陳國破應難保此身訣別徐郎淚如雨

鏡鸞分後屬何人

七夕瓊筵隨一作往

事陳蕪花連蒂一作共傷神蜀王

殿裏三更月不見驪山私語人

夜寒春病不勝懷玉瘦花啼萬事乖薄倖檀郎斷芳信

驚嗟猶夢合歡鞋

嗚咽離聲管吹秋妾身今日為君休齊奴不說平生事

忍看花枝謝玉樓

青絲一綰墮雲鬟金剪刀鳴不忍看持謝君王寄幽怨  
可能從此住人間

陳宮興廢事難期三閣空餘綠草基狎客淪亡麗華死  
他年江令獨來時

晨肇重來路已迷碧挑花謝武陵溪山目斷無尋處  
流水潺湲日漸西

少卿降北子卿還朔野離觴慘別顏却到茂陵惟一慟  
節毛零落鬢毛斑

欽定四庫全書

御定全唐詩  
卷六百九十

四

夢裏分明入漢宮覺來燈背錦屏空紫臺月落關山曉  
腸斷君恩信畫工

戴司顏

戴司顏登大順進士第官太常博士詩二首

江上雨

非不欲前去此情非自由星辰照何處風雨送涼秋寒  
鎖空江夢聲隨黃葉愁蕭蕭猶未已早晚去蘋洲

塞上

空蹟畫蒼茫沙腥古戰場逢春多霰雪生計在牛羊冷  
角吹鄉淚乾榆落夢牀從來山水客誰謂到漁陽

句

遠來朝鳳闕歸去戀元侯

贈僧見  
紀事

吳仁璧

吳仁璧字廷寶吳人

或云闕  
右人

大順二年登進士第錢鏐

據浙累辟不就鏐怒沈之江詩一卷今存十一首

投謝錢武肅

欽定四庫全書

御定全唐詩  
卷六百九十

五

東門上好相知音數盡臺前郭隗金累重雖然容食堪  
力微無計報焚林敝貂不稱芙蓉幕衰朽仍慚玳瑁簪  
十里溪光一山月可堪從此負歸心

客路

人寰急景如波委客路浮雲似蓋輕回首故山天外碧  
十年無計却歸耕

南徐題友人郊居

門前樵徑連江寺岸下漁磯繫海槎待到秋深好時節

與君長醉隱侯家

讀度人經寄鄭仁表

身雖一旦塵中老名擬三清會裏題  
二午九齋餘日在請君相伴醉如泥

秋日聽僧彈琴

金徽玉軫韻泠然言下浮生指下泉  
恰稱秋風西北起一時吹入碧湘煙

賈誼

欽定四庫全書

御定全唐詩  
卷六百九十

六

扶持一疏滿遺編漢陛前頭正少年  
誰道恃才輕絳灌却將惆悵弔湘川

春雪

雪霽凝光入坐寒天明猶自卧素安  
貂裘穿後鶴氅敝自此風流不足看

衰柳

金風漸利露珠團廣陌長堤黛色殘  
水殿狂遊隋煬帝一千餘里可堪看

鳳仙花

香紅嫩綠正開時冷蝶飢蜂兩不知  
此際最宜何處看朝陽初上碧梧枝

金錢花

淺絳濃香幾朵勻日鎔金鑄萬家  
新堪疑劉寵遺芳在不許山陰父老貧

錢塘鶴

人間路靄青天半黿岫雲生碧海涯  
雖把雕籠密局鑰

欽定四庫全書

御定全唐詩  
卷六百九十

七

可能長在叔倫家

句

為惜苔錢妨換砌因憐山色旋開尊  
閒居高閣煙霞禪

客睡滿城塵土世人忙  
遊法華寺五龍金角向星斗三洞

玉音愁鬼神  
贈道士蒲草薄裁連蒂白臘脂濃染半葩

紅題鶯栗花  
以上並雅言雜載

汪極

汪極字極甫歙人大順三年進士詩一首

奉試麥壘多秀色

南陌生岐穗農家樂事多  
塋畦交茂綠苗實際清和日  
布玲瓏影風翻浩蕩波來年知帝力含哺有衢歌

張曙

張曙吏部侍郎聚之子大順中登第官右補闕詩一首

下第戲狀元崔昭緯

千里江山陪驥尾五更風水失龍鱗  
昨夜浣花溪上雨綠楊芳草為何人

欽定四庫全書

御定全唐詩

卷六百九十

林嵩

林嵩字雄飛大順中登進士第官侍御史詩一卷今存

一首

贈天台王處士

深隱天台不記秋琴臺長別一何愁  
茶煙巖外雲初起新月潭心釣未收  
映宇異花叢發好穿松孤鶴一聲幽  
赤城不掩高宗夢寧久懸冠枕瀑流

御定全唐詩卷九十

欽定四庫全書

御定全唐詩卷六百九十一

杜荀鶴

杜荀鶴字彥之池州人有詩名自號九華山人大順二年第一人擢第復還舊山宣州田頌遣至汴通好朱全忠厚遇之表授翰林學士主客員外郎知制誥恃勢侮易縉紳衆怒欲殺之而未及天祐初卒自序其文為唐風集十卷今編詩三卷

欽定四庫全書

御定全唐詩

卷六百九十一

春宮怨

一作周朴詩

早被嬋娟誤欲妝臨鏡慵承恩不在貌教妾若為容  
風暖鳥聲碎日高花影重年年越溪女相憶採芙蓉

訪道者不遇

寂寂白雲門尋真不遇真  
祇應松上鶴便是洞中人  
藥圃花香異沙泉鹿跡新  
題詩留姓字他日此相親

送人遊吳

君到姑蘇見人家盡枕河  
古宮閒地少水港小橋多  
夜

市賣菱藕春船載綺羅遙知未眠月鄉思在漁歌

送陳昉歸麻川

麻川清見底似入武陵溪兩岸山相向三春鳥亂啼酒旗和柳動僧屋與雲齊即此吾鄉路懷君夢不

出山

病眼看一作見春榜文場公道開朋人登第盡白髮出山

來處世曾無過一作遇惟天合是媒長安不覺遠期遂一

名迴

欽定四庫全書

御定全唐詩  
卷六百九十一

浙中逢詩友

到處有同人多為賦與文詩中難得友湖畔喜逢君凍

把一作把城根雪風開嶽面雲苦吟吟不足爭忍話離羣

送友遊吳越

去越從吳過吳疆與越連有園多種橘一作菊無水不生

蓮夜市橋邊火春風寺外船此中偏重客君去必經年

出常山界使回有寄

自小即南北未如今日離封疆初盡處人使卻回時開

口有所忌此心無以為行行復垂淚不稱是男兒

經廢宅

人生當貴盛修德可延之不慮有今日爭教無破時鮮斑題宇壁花發帶巢枝何況蒿原上荒墳與折碑

登天台寺

一到天台寺高低景旋生共僧巖上坐見客海邊行野色人耕破山根浪打鳴忙時向閒處不覺有閒情

途中春

欽定四庫全書

御定全唐詩  
卷六百九十一

馬上覽春色丈夫慚淚垂一生看却老一作老却五字未逢

知酒力不能久愁根無可醫明年到今日公道與誰期

入關歷陽道中却寄舍弟

求名日苦辛日望日榮親落葉山中路秋霖馬上人晨

昏知汝道詩酒衛吾身自笑拋麋鹿長安擬醉春

贈歐陽明府

賢宰宰斯邑政聞閭里間都緣民訟少長覺吏徒閒帆

落樽前浦鐘鳴枕上山回舟却一作亦惆悵數宿釣魚灣